



Broj: JN1 11-03-26-77-29/26
Sarajevo, 16.07.2026. godine

Na osnovu člana 69. stav (2), tačka d) i člana 70. stav (1), (4) i (6) Zakona o javnim nabavkama Bosne i Hercegovine („Službeni glasnik BiH“, broj 39/14, 59/22 i 50/24)) i preporuku komisije za javne nabavke broj: JN1 11-03-26-77-28/26 od 15.07.2026. godine, Ministar odbrane Bosne i Hercegovine **donosi**

O D L U K U
o poništenju postupka javne nabavke
(Odjevni predmeti iz sastava kompleta svečane uniforme OS BiH)

I

Prihvata se preporuka komisije broj: JN1 11-03-26-77-28/26 od 15.07.2026. godine i poništava se postupak javne nabavke roba – Odjevni predmeti iz sastava kompleta svečane uniforme OS BiH iz razloga utvrđenih članom 69. stav (1), tačka b) Zakona o javnim nabavkama Bosne i Hercegovine („Službeni glasnik BiH“, broj 39/14, 59/22 i 50/24).

II

Ova odluka objavit će se na web stranici Ministarstva odbrane Bosne i Hercegovine (<http://www.mod.gov.ba>) shodno članu 70. stav (6) Zakona o javnim nabavkama.

III

Odluka stupa na snagu danom donošenja, a ista će se dostaviti svim ponuđačima u postupku javne nabavke.

O b r a z l o ž e n j e

Postupak javne nabavke roba pokrenut je Odlukom o pokretanju postupka javne nabavke broj: JN1 11-03-26-77-4/26 od 21.04.2026. godine. Javna nabavka provedena je putem otvorenog postupaka uz predviđeno korištenje e-aukcije. Obavještenje o nabavci broj: 723-1-1-385-3-388/26 od 29.05.2026. godine objavljeno je na Portalu javnih nabavki.

Procjenjena vrijednost nabavke 244.420,00 KM bez PDV-a.

Komisija za nabavku imenovana je Odlukom broj: JN1 11-03-26-77-13/26 od 16.06.2026. godine.

Krajnji rok za dostavljanje ponuda je bio 17.07.2026. godine do 12,00 sati a javno otvaranje blagovremeno zaprimljenih ponuda izvršeno je istog dana u prostorijama Ministarstva odbrane BiH na adresi Hamdije Kreševljakovića br. 98, kancelarija broj 226 u 13,00 sati što je i konstatovano Zapisnikom o otvaranju ponuda.

Komisija je sačinila Zapisnik o otvaranju ponuda broj: JN1 11-03-26-77-26/26 od 14.07.2026. godine, a u istom je utvrđeno sljedeće:

1. Da je ukupan broj pristiglih ponuda 1 (jedna),
2. Da je od toga pravilno zaprimljeno 1 (jedna) ponuda,
3. Da nije bilo nepravovremeno zaprimljenih ponuda,
4. Da je za ugovorni organ shodno iskazanim zahtjevima nije prihvatljiva ponuda ponuđača „SHOT“ d.o.o. Zenica.

Ponuda ponuđača „SHOT“ d.o.o. Zenica nije prihvatljiva iz sljedećeg razloga:

- Prilikom dokazivanja ekonomske i finansijske sposobnosti, ponuđač je propustio u sastavu ponude dostaviti potvrdu od 1 (jedne) banke o solventnosti, odnosno dokaz da nije blokiran jedan od otvorenih transakcijskih računa u posljednjih 12 mjeseci, što predstavlja bitan aspekt ponude i ne može biti predmet daljnjeg vrednovanja (7.3.2.a) tenderske dokumentacije).
- Tehnička i profesionalna sposobnosti dokazuje se dostavljanjem po dva uzorka za stavke 7, 8 i 9 iz Aneksa 3 (Obrazac za cijenu ponude) i dostavljanjem izvještaja vizuelne i laboratorijske analize u skladu sa Tehničkim uslovom broj: 11-03-26-1665-36/08, Odlukom o izmjeni i dopuni tehničkog uslova broj: 11-02-3-996-5/19 i Odlukom o izmjeni i dopuni tehničkog uslova broj: 11-02-3-879-7/21). Certifikat o kvalitetu (Izveštaj vizuelne kontrole i Izveštaj laboratorijske analize) treba da bude prema važećim standardima BiH, a koji je izdat od strane institucije u BiH koja je akreditovana kod Instituta za akreditaciju BiH, u ovom slučaju „BATA”, te koja od strane navedenog instituta, ima certifikat za istu ili sličnu vrstu roba kao i certifikate koje su izdali ovlašteni organi u drugim državama ako su izdati u skladu sa međunarodnim ugovorima koje je zaključila Bosna i Hercegovina.

U Izveštaju laboratorijske analize br.: 3180/26 od 13.07.2026. godine izdato od „EURO INSPEKT“ d.o.o. Sarajevo, u rubrici Izjava o usklađenosti piše da su ispitivani parametri usklađeni prema tenderskoj dokumentaciji Ministarstva odbrane BiH broj: 11-03-26-1665-36/08 a ne u skladu sa Odlukom o izmjeni i dopuni tehničkog uslova broj: 11-02-3-996-5/19.

Iz gore navedenog komisija je utvrdila da u dostavljenom Izveštaju laboratorijske analize nedostaju slijedeće metode ispitivanja:

Kvalitet osnovnog materijala za izradu službene i svečane bluze, pantalona, suknji i šapki:

TEHNIČKI PODACI TKANINE / TECHNICAL CHARACTERISTICS OF TEXTILE	MATERIJAL – SLUŽBENE I SVEČANE BLUZE, PANTALONE, SUKNJE I ŠAPKE		
	VRIJEDNOST/ VALUE	TOLERAN CIJA/TOLE RANCE (%)	STANDARD
VEZ / CONSTRUCTION	Keper		
PH vrijednost (pH)/ PH value (pH):	5,5 - 7	-	BAS EN ISO 3071
OTPORNOST NA HABANJE na 12 kPa (ciklusa) / ABRASION RESISTANCE at 12 kPa (cycles):	6000	min	EN ISO 12947-2
VODOODBOJNOST (početna/nakon 3 hemijska čišćenja) / WATER REPELLENCY:	(5) 100/(4) 90	min	EN 24920
ULJEODBOJNOST (početna/nakon 3 hemijska čišćenja) / OIL REPELLENCY:	5/4	min	BAS EN ISO 14419
SKUPLJANJE KOD PRANJA 60°C dužina/širina (%) / SHRINKAGE AT WASHING 60°C -length/width (%):	-2/-2	max	EN ISO 6330 sušenje E
POSTOJANOST OBOJENJA NA PRANJE 60°C / COLOUR FASTNESS TO AT 60°C:	4-5/5	min	EN ISO 105 – C03
POSTOJANOST OBOJENJA NA SVJETLOST / COLOUR FASTNESS TO LIGHT:	6	min	BAS EN ISO 105 – B02

**Na stranici Instituta za standardizaciju BiH nema standarda sa oznakom BAS EN 1049-2 tako da standard za ispitivanje gustoće na 10 cm osnova/potka a koji se nalazi u Odluci o izmjeni i dopuni tehničkog uslova broj: 11-02-3-996-5/19 (tabelarni prikaz), nije tačan.*

GUSTOĆA na 10 cm osnova / potka/ DENSITY at 1 cm warp / weft:	325/270	± 5	BAS EN 1049-2*
---	---------	-----	----------------

U Izvještaju laboratorijske analize br.: 3180/26 za metodu ispitivanja korišten je ispravan standard BAS EN ISO 7211-2 (Tekstil - Metode analize konstrukcije tkanina - Dio 2: Određivanje broja niti po jedinici dužine).

NAPOMENA: U dodatku akreditacije broj: LI-20-01 od 03.12.2025. godine izdatog od Instituta za akreditiranje BiH za „EURO INSPEKT“ d.o.o. Sarajevo, područje akreditacije u tabeli (kolona: metoda/specifikacija) nema metode ispitivanja po standardu BAS EN ISO 105-X11 (Postojanost obojenja na glačanje) iako je u Izvještaju laboratorijske analize broj: 3180/26 izvršeno ispitivanje po navedenoj metodi ispitivanja. **„EURO INSPEKT“ d.o.o. Sarajevo nije akreditovan od strane Instituta za akreditaciju BiH za ispitivanje po gore navedenom standardu.**

U Izvještaju laboratorijske analize piše da su ispitivani parametri usklađeni prema Tehničkom uslovu broj: 11-03-26-1665-36/08. S obzirom da su na portalu javnih nabavki pored Tehničkog uslova broj: 11-03-26-1665-36/08 ponuđači mogli preuzeti i Odluku o izmjeni i dopuni tehničkog uslova broj: 11-02-3-996-5/19 i Odluku o izmjeni i dopuni tehničkog uslova broj: 11-02-3-879-7/21, očigledno je da ponuđač „SHOT“ d.o.o. iz Zenice nije upoznao laboratoriju „EURO INSPEKT“ d.o.o. Sarajevo o navedenim izmjenama i dopunama Tehničkog uslova.

„EURO INSPEKT“ d.o.o. Sarajevo izvršio je ispitivanja po deklarisanim vrijednostima navedenim u tabeli 9.1 Tehničkog uslova broj: 11-03-26-1665-36/08.

Primjer:

„EURO INSPEKT“ d.o.o. Sarajevo je izvršio ispitivanja sirovinskog sastava po deklarisanim vrijednostima za vunu 70%±2% i poliester 30%±2% (BAS EN ISO 1833-4:2018).

Međutim, u Odluci o izmjeni i dopuni tehničkog uslova broj: 11-02-3-996-5/19, deklarisanе vrijednosti za vunu su 60%±3% i poliester 40%±3% te dobijeni rezultati ispitivanja (vuna 68,3% i poliester 31,7%) nisu u zahtjevanim granicama.

Iz navedenog primjera se može zaključiti da kvalitet osnovnog materijala za izradu svečane bluze, pantalona i šapke nisu zadovoljavajući pa samim tim ni dostavljeni uzorci nisu ispravni.

Kao dokaz tehničke sposobnosti, ponuđač je u ponudi dostavio Izvještaj vizuelne kontrole br.: 3180-03/26 od 13.07.2026. godine izrađen od strane laboratorije „EURO INSPEKT“ d.o.o. Sarajevo gdje u zaključku izvještaja piše da su dostavljeni uzorci pantalona svečanih, muških usklađeni sa Tehničkim uslovom broj: 11-03-26-1665-36/08.

Izvještaj vizuelne kontrole br.: 318-03/26 nije rađen u skladu sa Odlukom o izmjeni i dopuni tehničkog uslova broj: 11-02-3-879-7/21.

Primjer:

U Odluci o izmjeni i dopuni tehničkog uslova broj: 11-02-3-879-7/21 došlo je do određenih promjena gdje je za broj dezena 52 koja se dostavlja kao uzorak na kontrolu, u rubrici ½

obima nogavice, deklarirana vrijednost iznosi 23,5 ±1 cm. U Izvještaj vizuelne kontrole br.: 3180-03/26 od 10.07.2026. godine koja je rađena po vrijednostima iz Tehničkog uslova broj: 11-03-26-1665-36/08, za broj dezena 52 u rubrici ½ obima nogavice, deklarirana vrijednost je 25,5 ±1 cm. Utvrđena vrijednost mjerenja je 25 cm.

- Garancija za ozbiljnost ponude nije upotpunosti dostavljena u skladu sa zahtjevima tenderske dokumentacije. Originalna bankarska garancija je zapakovana u zatvorenu plastičnu foliju koja je na vrhu zatvorena sa dvije naljepnice (žuta u obliku zvijezde i pravougaona crvena) na kojima **nije stavljen pečat ponuđača** čime garancija nije dovoljno zaštićena od eventualnog narušavanja integriteta iste.

Ponuda ponuđača „SHOT“ d.o.o. iz Zenica ne ispunjava uslove tenderske dokumentacije u skladu sa članom 68. stav (4), tačka i) Zakona o javnim nabavkama BiH („Službeni glasnik BiH“, broj 39/14, 59/22 i 50/24).

U postupku donošenja ove odluke, posebno su cijenjene činjenice da je komisija, pravilno i potpuno izvršila ocjenu kvalifikovanosti ponuđača u skladu sa Zakonom o javnim nabavkama i kriterijima tenderske dokumentacije.

Rukovodilac ugovornog organa nije našao razloge, nepravilnosti niti propuste u radu, koji bi eventualno bili osnov za neprihvatanje preporuke komisije za javne nabavke.

Na osnovu navedenog, a primjenom člana 69. stav (2), tačka d) Zakona o javnim nabavkama BiH, odlučeno je kao u dispozitivu ove Odluke.

Pouka o pravnom lijeku: Protiv ove odluke može se izjaviti žalba Kancelariji za razmatranje žalbi u roku od 10 dana od dana prijema odluke. Žalba se podnosi putem Ministarstva odbrane Bosne i Hercegovine.

MINISTAR

Zukan Helez

Dostaviti:

- „SHOT“ d.o.o. Zenica, tel.: 032/440-320; fax: 032/440-322; info@shot.ba, sandra@shot.ba,
- Kancelarija za odnose sa javnošću MO BiH (objava na Web stranici)
- a/a